



KOLEJ UNIVERSITI INSANIAH
جامعة إنسانية
INSANIAH UNIVERSITY COLLEGE

**UCAPAN
PROF DATO' DR. MOHD FAKHRUDIN BIN ABDUL MUKTI
REKTOR KOLEJ UNIVERSITI INSANIAH (KUIN)
DI KARNIVAL AMAL ISLAMI
IPTIM (INSTITUT PENGAJIAN ISLAM MALAYSIA) 2016**

**DRAF TEKS UCAPAN YBHG PROF. DATO' REKTOR KOLEJ
UNIVERSITI INSANIAH (KUIN) BERSEMPENA KARNIVAL AMAL
ISLAMI IPTIM (INSTITUT PENGAJIAN ISLAM MALAYSIA) 2016**

Y. Bhg. Prof. Madya Dr. Sharipah Azizah Binti Syed Sahil Jamalullail,
Timbalan Rektor (Hal Ehwal Akademik dan Penyelidikan)

Y. Bhg. Tuan Haji Bukhari bin Abdullah, Timbalan Rektor (Pengurusan,
Kewangan & HEP)

Pegawai-Pegawai Utama Universiti,

Dekan-Dekan dan Pengarah-Pengarah KUIN,

Wakil-Wakil Kerajaan negeri Kedah,

Wakil-Wakil Institusi Pengajian Tinggi Islam Malaysia,

Peserta Karnival Amal Islami 2016,

Seterusnya para hadirin yang dihormati sekalian,

Assalamualaikum Warahmatullahi Wabarakatuh

Terlebih-lebih dahulu, marilah kita bersama-sama memanjatkan setinggi-tinggi kesyukuran ke hadrat Allah S.W.T atas limpah kurnia-Nya dan Keizinan-Nya maka dapat kita bersama-sama hadir pada Majlis Perasmian Karnival Amal Islami IPTIM 2016 pada malam yang cukup bermakna ini. Oleh itu, saya mewakili seluruh warga Kolej Universiti INSANIAH mengucapkan

**"SELAMAT DATANG KE KOLEJ UNIVERSITI INSANIAH SELAKU
TUAN RUMAH BAGI KARNIVAL AMAL ISLAMI IPTIM 2016,**

Hadirin yang saya hormati sekalian.

Dikesempatan ini, saya ingin merakamkan ucapan penghargaan dan terima kasih kepada 13 Institut Pengajian Tinggi Islam Malaysia yang terlibat dalam memberikan sokongan yang tidak berbelah bagi bagi menjayakan karnival Amal Islami IPTIM 2016 pada kali ini. Tidak dilupakan juga kepada penaja-penaja yang telah memberi sumbangan

Ucapan syabas dan tahniah juga diucapkan kepada seluruh Ahli Jawatankuasa Pelaksana karnival di atas komitmen dan kesungguhan yang telah dipamerkan bagi memastikan kelancaran perjalanan persiapan program sehinggalah terlaksananya program karnival ini dengan jayanya.

Pemilihan INSANIAH sebagai tuan rumah bagi karnival Amal Islami pada tahun ini merupakan penghormatan yang cukup bermakna kerana karnival ini di adakan di kampus baru Kolej Universiti INSANIAH yang berkeluasan 300 ekar dengan kemudahan-kemudahan yang baru di samping tasik yang indah panoramanya.

Penganjuran Karnival Amal Islami IPTIM 2016 ini, merupakan satu kebanggaan kepada kita semua dalam memperkasakan Institut Pengajian Tinggi Islam Malaysia menerusi kerjasama yang erat menerusi aktiviti-aktiviti pelajar ke arah meningkatkan kualiti para graduan Institut

Pengajian Tinggi Islam dalam memenuhi kehendak dan keperluan pasaran masa kini samaada di dalam maupun di luar negara.

Hadirin yang saya hormati sekalian.

Isu berkaitan pengangguran di kalangan siswazah sering diperkatakan di kalangan masyarakat dan boleh dianggap sebagai satu kegagalan sistem pendidikan peringkat tinggi negara dalam melahirkan graduan yang memenuhi keperluan industri. Walaupun banyak penambahbaikan telah dilaksanakan bagi mengukuhkan lagi tahap kebolehpasaran siswazah di Isntituti Pengajian Tinggi, masih terdapat lagi banyak rungutan yang dikemukakan oleh para majikan tentang kualiti para graduan ini. Antara rungutan yang sering dikemukakan oleh para majikan adalah kelemahan para graduan dalam aspek kemahiran Insaniah (*soft skills*) seperti kemahiran komunikasi, pemikiran rritis dan kemahiran menyelesaikan masalah, Kemahiran Kerja Berpasukan, kemahiran kepimpinan dan sebagainya.

Oleh itu, melalui Pelan Strategik Pengajian Tinggi Negara (PSPTN), Kemahiran Insaniah menjadi salah satu agenda terpenting dalam meningkatkan kemahiran serta keyakinan pelajar yang relevan dengan kehendak pasaran supaya bakal graduan ini mampu berdikari dari segi kerjaya mereka. Dengan penganjuran Karnival Amal Islami IPTIM 2016 kali ini, maka agenda dan strategik Pengajian Tinggi Negara akan tercapai.

Karnival Amal Islami merupakan acara yang dianjurkan secara dwi tahunan, dengan penyertaannya dibuka kepada seluruh Institut Pengajian Tinggi Islam di Malaysia. Antara acara rasmi yang dipertandingkan pada tahun ini adalah seperti nasyid, pidato, debat, kesenian Islam, hafazan al-Quran dan tazkirah.

Melalui acara yang dipertandingkan dalam karnival amal Islami ini, ianya mampu menggilap bakat dan membina kemahiran generasi muda Islam khususnya dalam pelbagai bidang ilmiah dan *thaqafah*. Selain itu, ia memupuk sifat positif, inovatif, kreatif dan berdaya saing di kalangan pelajar sebagai persediaan bagi menghadapi keperluan pasaran kerja yang semakin mencabar pada masa ini. Menang atau kalah merupakan

adat resam bagi sesuatu pertandingan yang diadakan. Tetapi apa yang lebih penting ialah semangat kekitaan dan saling bekerjasama di antara satu sama lain di atas nama Institut Pengajian Tinggi Islam yang akan melahirkan generasi mukmin profesional dalam mengimbangi keperluan duniawi dan ukhrawi.

Akhir kata, Melalui Karnival Amal Islami pada tahun ini, ianya diharap mampu menggilap bakat-bakat generasi muda Islam alaf ini berteraskan thaqafah Islamiah seterusnya mampu dan dapat menyumbang khidmat bakti kepada agama, bangsa dan negara. Penganjuran karnival ini juga diharap dapat melonjakkan nama Institusi Pengajian Tinggi Islam setaraf pusat pengajian lain yang terkemuka di dunia, InsyaAllah.

بِسْمِ اللَّهِ الرَّحْمَنِ الرَّحِيمِ

Dengan lafaz saya dengan ini merasmikan **KARNIVAL AMAL ISLAMI PERINGKAT ASEAN 2016.**

Sekian,

وبِاللَّهِ التَّوْفِيقُ وَالْهُدَايَةُ، وَالسَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ